



Na osnovu Zaključka o usvajanju Programa utroška budžetskih sredstava u 2019. godini „Podrška javnim tijelima u pripremi projekata javno-privatnog partnerstva“, broj: 02-14-8915/19 od 24.05.2019. godine, a u skladu sa članom 24. Zakona o javno-privatnom partnerstvu („Službene novine Zeničko-dobojskog kantona“, broj: 6/16), Ministarstvo za privredu, raspisuje

**JAVNI POZIV
za sufinansiranje troškova pripreme prijedloga projekata javno-privatnog partnerstva (JPP)
u 2019. godini**

1. Pozivaju se javna tijela sa područja Zeničko-dobojskog kantona da podnesu zahtjev za odobravanje i dodjelu finansijskih sredstava planiranih u budžetu Zeničko-dobojskog kantona za 2019. godinu, za sufinansiranje troškova pripreme prijedloga JPP projekata.

Ukupno planirana sredstva: 100.000,00 KM

2. Pravo učešća imaju javna tijela drugih nivoa vlasti koja su, u skladu sa zakonskim okvirom za JPP Zeničko-dobojskog kantona (Zakon o javno-privatnom partnerstvu - „Službene novine Zeničko-dobojskog kantona“, broj: 6/16; i Uredbe o identifikaciji, pripremi, ugovaranju i praćenju projekata javno-privatnog partnerstva - „Službene novine Zeničko-dobojskog kantona“, broj: 3/17), donijela **godišnje** planove potencijalnih projekata javno-privatnog partnerstva (JPP) u 2019. godini, objavljene u Katalogu JPP projekata Zeničko-dobojskog kantona za period 2019-2021. godina.
3. Javno tijelo koje je predlagatelj potencijalnog JPP projekta može podnijeti zahtjev za sufinansiranje troškova pripreme prijedloga za jedan potencijalni JPP projekat iz Godišnjeg plana iz Kataloga JPP projekata Zeničko-dobojskog kantona za period 2019-2021. godina.
4. Sredstva podrške su namijenjena za sufinansiranje troškova pripreme prijedloga JPP projekata u 2019. godini, odnosno za sufinansiranje sljedećih troškova:
 - Naknada za članove radnog tijela;
– maksimalan iznos sredstava po projektu: 15.000,00 KM
 - Ugovorene usluge - Izrada projektne dokumentacije:
– Tehnička dokumentacija (npr. energijski pregledi, elaborate, idejno rješenje i/ili idejni projekat, i sl.);
– Studija opravdanosti za JPP;
– maksimalan iznos sredstava po projektu: 25.000,00 KM
 - Naknada za procesnog JPP konsultanta.
– maksimalan iznos sredstava po projektu: 10.000,00 KM
5. Raspodjela sredstava će se vršiti prema stepenu vlastitog finansijskog učešća u ukupno procijenjenim troškovima pripreme prijedloga JPP projekta, kako slijedi:

DO 50 % 1 BOD

OD 51 % DO 60 % 2 BODA
OD 61 % DO 70 % 3 BODA
OD 71 % DO 80 % 4 BODA
OD 81 % DO 90 % 5 BODOVA
≥ 91 % 6 BODOVA

Sredstva će se odobravati projektima prema bodovnoj listi od najvećeg broja na niže, do krajnje raspodjele ukupnog iznosa budžetskih sredstava namjenjenih za ovu podršku.

Javno tijelo će obezbijediti podatke o izdvojenim finansijskim sredstvima kroz prijavni obrazac i budžet, zajedno sa izjavom o opredljenom iznosu sufinansiranja.

6. Javno tijelo koje aplicira obavezno dostavlja sljedeće dokumente:

- Popunjen i ovjeren obrazac Zahtjeva (dostupan na web stranici Vlade Kantona);
- Izjavu o opredljenom iznosu sufinansiranja (original ili ovjerena kopija);
- Izjavu o saglasnosti (dostupna na web stranici Vlade Kantona).

7. U zavisnosti od vrste troškova za čije sufinansiranje se podnosi Zahtjev, javno tijelo također podnosi:

- Dokaze o organizaciji procesa pripreme prijedloga JPP projekta:
 - Akt o imenovanju radnog tijela (original ili kopija);
 - Akt o utvrđivanju naknade za članove radnog tijela (original ili kopija)
- Dokaz o ugovorenim uslugama - izrada dijela/dijelova tehničke dokumentacije:
 - Ugovor zaključen sa ponuđačem o izradi dijela projektne dokumentacije - original ili ovjerena kopija
- Dokaz o angažovanju procesnog JPP konsultanta
 - Ugovor zaključen sa procesnim konsultantom - original ili ovjerena kopija

8. Postupak odobravanja i dodjele sredstava

Ocjenu uredno zaprimljenih zahtjeva daje Komisija Ministarstva za privredu. Komisija će u roku od 5 dana, od dana okončanja javnog poziva pripremiti Izvještaj o ocjeni zahtjeva koji dostavlja ministru Ministarstva za privredu. Na osnovu Izvještaja Komisije, Ministarstvo za privredu će predložiti Vladi Kantona donošenje Odluke o odobravanju finansijskih sredstava za sufinansiranje troškova pripreme prijedloga projekata JPP. Na osnovu Odluke o odobravanju sredstava, Ministarstvo za privredu podnosi Nalog za isplatu sredstava Ministarstvu finansija Zeničko-dobojskog kantona. Dinamika isplate sredstava ovisit će od raspoloživih budžetskih sredstava. Vlada Kantona, može opozvati donesene odluke, zavisno od dinamike priliva budžetskih sredstava tokom godine. Sredstva će se isplaćivati prema utvrđenoj rang-listi aplikanata, zavisno od dinamike priliva budžetskih sredstava.

9. Javno tijelo kojem Odlukom Vlade budu odobrena sredstva obavezno je:

- odobrena sredstva koristiti namjenski u skladu sa dostavljenim zahtjevom;
- obavijestiti Ministarstvo o problemima koji su od posebnog značaja za realizaciju sredstava, koji mogu da utiču na kašnjenje ili potpunu obustavu realizacije, ili nepovoljnih uslova koji mogu utjecati na realizaciju sredstava;
- dostaviti izvještaj o utrošku sredstava sa podacima o toku pripreme prijedloga JPP projekta.
- pridržavati se i poštivati sve pozitivne zakonske propise prilikom pripreme prijedloga JPP projekta;

10. Zahtjevi sa pratećom dokumentacijom se dostavljaju na adresu:

ZENIČKO-DOBOJSKI KANTON
Ministarstvo za privredu
SEKTOR ZA NEPROIZVODNE DJELATNOSTI, RAZVOJ I OBRT - ZA OCJENU ZAHTJEVA
ZA ODOBRAVANJE I DODJELU FINANSIJSKIH SREDSTAVA PODRŠKE JAVNIM
TIJELIMA ZA PRIPREMU PRIJEDLOGA JPP PROJEKATA
Kučukovići br. 2
Zenica, 72 000

11. Javni poziv ostaje otvoren 9 dana od dana objavljivanja. U razmatranje će se uzeti samo zahtjevi koji budu zaprimljeni na Protokolu Kantona najkasnije do 06.12.2019. godine, do 16:00 sati.

12. Sva dodatna pitanja u vezi ovog Javnog poziva se mogu dostaviti putem elektronske pošte, sa jasno naznačenim nazivom javnog poziva u predmetu poruke, na sljedeću e-mail adresu: min.privreda@zdk.ba.